

第一冊

卷首

一序 舊志序
姓氏 舊志姓
氏 凡例 目錄

聖製

上諭紀

恩

綸誥

卷一

星野志有圖
附祥異

重修尉氏縣志序

州縣之有志非徒矜考据示體裁備掌故
云爾也夫名爲州縣必合一州一縣而知
之必合一州一縣而周知之知其星野則
可以順天時而布政令知其沿革則可以
叅古制而酌時宜知其疆域則可以攬形
勝而肅防守知建置之分合則廢者可以

次第興矣知學校之創設則缺者可以次第復矣賦役有籍知生齒繁而休息必有其方也職官有表知責任專而考成不容旁貸也選舉公則人材接踵可以知一邑之文獻人物詳而節孝有傳可以知一邑之風化至若名臣之奏議詞客之詩謠前人之碑記鄉賢之序傳以及銘表雜著各

類或採其讜論或賞其詞華或者考其形勢
或助其見聞無不類分而條貫援古以證
今如此則一州一縣之事無不知無不知
則周一州一縣而知之矣志書之設所關
於吏治者豈淺鮮哉尉氏彈丸邑也據中
州之腹沿革分併代有明文惟地當孔道
土狹而民貧則所以教養而保聚之者在

乎相其土宜而權其輕重也蒞斯土者能
毋展卷深思而惕然臨之乎顧自前令衛
高二君纂修後迄今百七十餘年不無殘
缺遺漏之憾劉明府厚滋集紳士劉恒毓
等設局修輯未成而量移以去沈明府漑
踵其事以增以補而全書以成請序於予
予時方議修省志公餘繙閱見其詳畧得

體有典有則可以資將來之取裁而助予
之所欲周知而未能盡知也故於其書之
成爲弁數語以誌之

道光十一年歲次辛卯清和月朔有二日
河南巡撫崇陽楊國楨撰

重修尉氏縣志序

邑之有志猶國之有史也於以考制度省風土覘禮俗而政教興焉昔樊綽撰雲南志周淙撰臨安志洪遵撰東陽志以及梁益志作于任弁涇川志作于王楙凡官于其地而爲之者代不勝數然非詳于故典精于訪求兼才學識三者必不敢作作亦

不足信今而傳後尉氏縣志舊無傳本前
令衛君紹芳高君桂纂於我

朝定鼎之初徵獻考文搜羅不易遺漏率多
不無郭公夏五之憾距今百七十餘年矣

列聖相承治法大備風淳俗美其間沿革不一
廢置因時有未登諸篇者甚夥非主政教
者所急宜講明切究者乎夫莫爲之前雖

美弗彰莫爲之後雖盛弗傳歲己丑余自
東都移守是邦適尉氏大尹劉君厚滋集
紳士劉恒毓等謀所以補葺之甫經啟局
旋奉檄移劇去余嘉其志而惜其未竟也
繼其任者沈君漣甫下車卽詣局踵其事
爲之網羅舊失補綴新聞因前志成規簡
者增之佚者補之誠一邑之信史較舊志

煥然改觀矣書成請序于余余嘗謂創始
既難成復不易沈君之勤于採訪也雖極
之深山窮谷僻壤偏隅寒門細族苟有一
名一節可傳者無不徵諸輿論攷諸碑記
載筆而誌之是其制度以詳風土以厚禮
俗以成而政教之興實權輿于此然則余
曩之嘉劉君者今卽以之嘉沈君且與衛

高兩尹竝垂不朽也近

中丞楊海梁先生方議修省志尉氏有志
既明且備足資異日取材行將上之輶軒
登之彤管永附

國史以傳矣豈僅覘一邑之盛舉已哉是爲
序

誥授朝議大夫知開封府事心舟存業撰

道光十年歲次庚寅秋八月

重修尉氏縣志序

志以紀實也紀實則以質不以文宜簡不宜繁俾閱者供考鏡而資觀感斯爲得之
余於己丑秋來蒞尉邑適前令雨岑劉君
與邑紳劉觀察有重修縣志義舉事方創
始雨岑量移懷縣而畀其責於余余考尉
志初本纂於明永樂十六年其後正統成

化嘉靖間屢有刊本今皆無存矣

國朝順治四年邑令衛君紹芳因嘉靖殘本而輯成之十五年高君桂又奉文重修二書俱存然當

國朝定鼎之初草昧初開未盡詳備迄今又閱百七十年星移物換因草相循生聚化

尊制既不一而名儒碩彥多貞女烈婦以及

鴻篇鉅製叠出其間若不增葺恐逾久胥
就湮沒誰之責與此兩岑與觀察慨然之
心亦余所亟於樂爲者也時新鄭孝廉王
君海樓掌教蓬池書院相與商確纂輯復
令邑之紳耆廣爲採訪於是因舊志闕者
補之畧者詳之間有義例不甚允諧者刪
正之書成爲卷若干增舊志三之二焉第

恐採訪未周仍有不愜於心者然此百七
十年間其人其事其爲治之因革滋息之
繁盛已具見梗槩矣尉鄭邑也春秋時冠
裳盟會珠槃玉敦率集於此緇衣好賢遺
風存焉以故士勵廉隅俗敦古處漢唐以
來若蔡阮諸賢挺生不一籍期土者覽川
原之秀沃撫往昔之芳徽考文徵獻披卷

瞭然庶風氣日上仰足以副

聖天子重熙累洽之治下亦可無愧鄉先生之
懿範是則余之厚望也矣

道光十年歲次庚寅小陽朔知尉氏縣事
會稽沈淮撰

重修縣志記畧

嘗思一統志本通志通志本縣志者也縣志無傳則諸志鮮所依據縱有鴻才欲憑臆斷得乎尉於中州特彈丸邑耳然北連梁苑作省會之屏藩南控潁川爲往來之衝要崗巒起伏波流滌洄靈秀所鍾代有聞人登步兵之臺過中郎之里往往慷慨

欷歔想見其爲人其他忠孝節義政事文章載在簡冊更僕難數惜志一修於順治戊子再修於順治戊戌嗣是以來寥寥無聞夫陵谷之變遷無常戶口之增減靡定以及幽光潛德星霜遞易碣斷碑荒後之人將於何攷鏡焉不可謂非一大憾事也

先大夫嘗有意乎是以王事倥傯歲月靡

暇比致政歸來與二三老友道及輒畫其
輪廓謂舊志流寓外徙不分門類又任瓌
張公謹祠廟墳墓班班可攷抑且子姓繁
衍明係占籍尉氏自宜載入鄉賢列之名
宦義殊未安欲手輯一編質諸同志卒不
果蓋距今又三十餘年矣歲乙酉

雨岑劉侯攝篆是邑政通人和利興弊革

既嘗修葺黌宮鼎新書院增築城垣建置
廂堡矣閱縣志而慨然曰邑之有志所以
誌典禮辨沿革平賦稅均徭役表微闡幽
下培閭閻之風俗上佐

朝廷之治化激揚之權於是乎在乃百七十
年來曾不議及守土之責其謂何時予需

次都門侯走書告予謀資費所出而纂輯

之予得書踴躍者數四侯之惠吾邑者至
矣而復汲汲於此舉是閣邑之幸先大夫
幾經低徊而賫志以歿者也諸所煩費敢
不勉爲措辦急肅札復命侯遂稟報 各
憲延請諸文士蠲吉開館非常之事必待
非常之人豈不信哉無何侯陞任邢邱勢
將中寢會 初園沈侯以名孝廉膺

簡命來守茲土德政文章與侯後先輝映有苔
岑蘭臭之契甫下車卽詣館與諸文士反
覆商酌更添請採訪數人務期虛心延訪
遠不遺而近不濫政務之暇取稿之未允
者親爲釐訂蓋侯饒著作才而尤恢廓大
度樂全善舉故能踵事增華相與以有成
也逮脫稿將付剞劂 撫府兩憲暨邑侯

各有序言弁簡首予不敢言序惟是生長
於斯快覩盛舉之成又念先大夫之志籍
以克慰爲述其顛末如此伏願隸斯土者
砥名行礪廉隅追踪前哲增光邑乘俾輶
軒採風太史執簡嘖嘖於尉有人焉以仰

副

聖天子作人之化則區區之所厚望也夫

身止集示
道光十一年歲在辛卯荷月冀生六莢

原任湖北督糧道邑人劉恒毓

重修尉氏縣志序

周景濂

志所以紀載古今甚重也凡山川形勝人物風俗城池祠宇貢賦詞翰之類莫不賴是以傳成化辛丑邠州劉公來尹尉氏蒞政之暇索志而觀其間或信而誣或瞻而穢幽失之闕遺失之采感而嘆曰志紀一邑之事志而不詳何以志爲乃請余同寅李君暹叅攷古今事實於諸文字中見其魯魚豕亥者抄正之不遺餘力如分野風俗形勝舊志所闕者則填寫之文廟重修兩司勳建舊志所未及者則序次之以至科貢士宦之名城池舖舍之類畧者遺者詳之收之卽景物以畱題因惑疑而致辨志成將刊而傳之屬余於序竊以書之禹貢地里區域旣各有定周禮職方輿圖地志尤有所作千載而下觀者可想見其盛

况今聖朝四海一家六合同春靡不稽首職貢其盛爲何如哉
此志之修他日可備皇圖萬分一之故實越千萬世而不磨焉
安知其不爲禹貢職方也邪昔紫陽朱子出守南康下車卽以
志爲問論者謂知所重今大尹劉公六事克盡百廢具興恒篤
意於斯蓋能心紫陽之心非賢曷克以臻茲是宜乎序

成化二
十年十

月上
浣日

重修尉氏縣志後序

魏宏詔

嘉靖二十七年四月壬戌余承檄來攝尉氏縣事尉氏劇邑也方將與吾民相憇息而舊令尹曾子嘗屬長教汪子同其鄉進士傅子馬子孫生胡生戎生輩所志邑之山川人物之類未之完編士民惓惓以是請余維邑之有志猶家之有乘國之有史也源委世系經緯時事何可一日廢之不舉矧復舉凡立例而爲之業有次序者乎乃以十月踵而爲之不三月告厥成書夫志不易爲也在昔馮掌教李司訓二志遠則百三十載近亦餘六十載矣去今積有年所豈真乏吏治與史筆乎良以吏非其職不得爲職非其時不及爲時非其人不當爲人非其才不可爲才非其學不能爲學非其識不足爲故通鑑資治餐錢

致言頭白可期汗青無日此皆前轍之爲可見也今日之志設非曾尹之以勤相先諸子之以賢相讓又果何足以永紀載之傳而副士民之望乎哉余也愧非其職而得道其責且得附名其末斯亦不謂之不幸

梓邑乘紀事

不佞簿書吏也於石渠諸太史無能爲役以謏劣之資當衝罷之邑鞅掌不皇豈暇文事蒙撫臺憲令徵修邑誌預戒以因陋就簡雖有前令成書不敢唐塞蓋緣志所紀者雖僅一邑之事實於國史相關典至鉅也追維爲博士弟子時讀史記服其善序事理辨而不華質而不俚文直事核故謂之實錄而彪固父子猶訊其是非謬於聖人載讀漢書喜其瞻而不穢詳而有體使讀之者亶亶而不厭而後世亦訊其排死節否正直視遷之輕仁義賤守節者抑又甚矣噫二子以千載良史猶不免於遺議况謏陋如某乎是以聞命飲水不勝隕越焉且尉卽彈丸然百里疆域代有沿革千室戶版時有增減運會風俗淳漓遞移

今古人文隱顯叢集安能以一足一目徧履其地而廣爲搜羅也於是敦請宿紳廣延英畏蠲吉開局朝蒐夕討不佞以履畝之暇應務之餘時就局而商確焉據舊乘參群書諮幽隱汰訛蕪事必核實文必存雅分類列卷按次定函葇月而脫稿繼自今我疆我里經界庶可辨與我戶我齒民數庶可覈與遺風流俗或賴以砥勵而維與人物文章或賴以品題而傳與自幸借手諸君可以報命上臺矣然下里寫刻率多笨伯恐貽累作者因之遣使四出物色南工付之以剗劂之任無柰嚴寒栗冽硯涸金折搦管者不便揮毫秉斲者難於游刃不免稽遲時月自戊戌中秋肇始至己亥中春而始殺青焉事旣竣矣應記始末次名筆之後庶幾貢獻上臺悉其不速之繇免於不救之責

修志姓氏

兵部

侍郎兼都察院右副都御史巡撫河南等處地方提督軍務兼理河道督理營田加三級

楊國楨

海梁四川崇慶州人甲子

欽命河南

等處承宣布政使司

布政使加十級

戴宗沅

安徽來安縣人戊辰

欽命河南

等處提刑按察使司按察使總理通省驛傳事

務加十級

麟

慶見滿洲廂黃旗人己巳

欽加運使

衡河南分守糧

儲鹽法道加十級

黎學錦

雲屏湖南龍陽縣人附貢

欽命河南

分巡開歸陳許等處兼理河務驛傳水利兵備

道加十級

劉

衡簾江西南豐縣人庚申

特調開封

府正堂卓異候陞加八級紀錄十三次又軍功隨帶加一級紀

錄二次存

業舟漢軍正黃旗人

總修

欽加同知

銜河內縣知縣

前尉氏縣知縣

劉厚滋

兩岑四川郫縣人甲子

尉

氏

縣

知縣

沈

涪初浙江會稽人戊寅

協修

尉氏縣儒學教諭申從周

雲溪

林縣人

癸酉拔貢

偃城縣教諭前尉氏縣訓導湯朝棻

薇堂

淮寧縣人

貢

前尉氏縣訓導

張炳

河內人

庚午

署尉氏縣訓導

牛孟

洛陽人

舉人

尉氏縣訓導

張立身

鄧州人

舉人

撫標

左營駐防

尉氏城守營把總

王茂森

三節

祥符人

監刊

尉氏縣典史

韋寶穀

江蘇人

專修

欽命湖北督糧道

劉恒毓

邑人

貢生

經理

監

生 劉清俊 邑人

纂輯

保舉知縣前汝陽縣教諭

王觀潮

海樓

新鄭人

甲寅

協輯兼採訪

候選訓導

姜玉書 邑人

歲貢生

校閱兼採訪

候選教諭

趙秉乾 邑人

恩貢生

廩膳生員

楊式堃 邑人

廩膳生員

田有源 邑人

庠生

劉奎卯 邑人

採訪

宜陽縣教諭張敬直 邑人 廩貢生

庠生 靳爾豫

候選教諭 王允寬 恩貢生

候選州判 韓煥章 乙酉拔貢

廩膳生員 李兼山

廩膳生員 鄧延齡

庠生 郭淵

庠生 李繼曾

庠生 王文升

庠生 張汝伊

廩膳生員 白玉瑄

庠

生 任信行

庠

生 石名山

貢

生 郭種藍

增

生 郭位南

庠

生 周濟眾

候

選 千 總

谷歲豐

膳錄

庠

生 楊大鏞

庠

生 許庚辛

儒

童 潘耀廷

庠

生 李習曾

歷修縣志姓氏

明永樂己酉創修

知縣齊勉

教諭馮韜

成化甲辰重修

知縣劉紹

訓導李暹

嘉靖戊申重修

知縣曾加誥

教諭汪心

舉人傅宗魯
馬載道

生員孫宗瑞 胡略

國朝順治丁亥重修

知縣衛紹芳

教諭許蓋臣

訓導王冲

廩生張士吉

生員王贊明 南遵化

順治戊戌重修

知縣高桂

教諭宋其書

恩貢馬羲則

舉人王永昌

貢監王贊明

生員顧永

南遵化

李兆元

凡例

一尉氏志創始於明永樂十六年初本無傳矣正統年間寫本成化二年刊本亦皆散佚嘉靖二十六年邑令曾加誥儒學教諭汪心所纂傳稱詳備而燬於兵燹

國朝順治四年邑令衛君紹芳得嘉靖殘本增入時事始有成書但祥異內缺南北朝及隋唐五代宋初失去二頁未爲完善十五年邑令高君桂奉文重修因陋就簡多有遺失今閱百七十年未經修補考文徵獻未易搜羅邑中諸君極力採訪始克編輯爲十門事可相統者率皆附入增補高志十之六七仍有不醇不備之憾以俟博識君子

一志與史同而實異史寓褒貶志則專以闡揚懿美爲體

此次修志經費皆邑紳楚北觀察劉君恒毓獨力捐修邑人分任採訪以成義舉

一高志缺其建典禮金石諸門其所纂門內亦多訛略不備今悉爲補纂其不合體例者亦稍爲刪正以就完善

一舊志

御製及

綸誥皆列入藝文志內今皆弁於卷首以崇體製

一列傳及列女傳皆原採訪稍爲刪潤至原文本無實跡而以數語彙括生平者亦卽以意纂入非故略也

一修志非因卽創此次編輯因者十之一二創者十之七八而因之中仍有訂正詳畧互異閱者自能鑒別

一考查諸書必詳註於各條之下其列傳內近今人物諸史無傳者則註採訪諸君名於末以著取舍出於公論且見言之有本

尉氏歷代以來人文蔚起其彪炳今昔者出處事業皆著其大其一二小節亦有因事附入者大要從略以所重在此不在彼也非故爲遺美若發潛闡幽於窮鄉僻壤不甚顯達者卽片善亦必備錄以見風氣之厚

前代名賢諸史有傳者有目共覩志中小傳皆從略下必註詳見某書其不見諸史率皆詳載

人物一門時代年月俱據採訪其中間有前後舛錯皆緣歷年久遠無從稽考所致

一職官選舉檔冊散佚無從查核祥異歲月久遠無從考証
明經姜君玉書於詳異訪諸父老叅之遺文百七十年庶
可接續且於南北朝及隋唐五代宋初二頁俱本別志詳
考補出庶無缺畧職官選舉直從殘編斷碣及各廟宇古
蹟中苦心搜討始覺少備并於明朝職官失載者補出三
十餘人其仍有缺漏者俟諸異日

一人物志內亦有分列外徙一門者似覺紛歧今併入列傳
而註明徙居之地

一立德立功立言謂三不朽顧功德著於當時傳於後世者
自應備細採錄亦有身名不顯而其言足徵其生平品學
及有裨於世者似亦不得概從缺略故於藝文志內雖於

尉邑無甚關涉之文亦間爲纂入考文卽以徵獻也

一此次纂修創始於道光乙丑夏脫稿於庚寅秋成於一人之手孤陋寡聞疵類層出但一毫不敢叅以己意閱者鑒之

重修尉氏縣志目錄

卷首

序 舊志序

姓氏 舊志姓氏

凡例 目錄

聖製

上諭

紀

恩

綸誥

卷一

星野志

有圖 附祥異

卷二

沿革志

附封建

卷三

疆域志

有圖

形勝 岡陵

幅員 風俗

河渠 物產

古蹟 墳墓

村鎮

卷四

建置志

有圖 倉庾

城郭 養濟院

街巷 坊表

公署 橋渡

舖司 壇廟

墩台

卷五

學校志

文廟有圖 書院 義學

學署有圖

書籍

鄉飲

酒禮

卷六

賦役志

丁地

漕糧

稅務

鹽法

役法

戶口

卷七

職官表
列傳
附營汛
兵制

卷八

選舉表
附武科第

卷九

人物志一
先賢

卷十

人物志二
德望

卷十一

人物志三
義烈
義行
義翰

卷十二

人物志四

封者
仙釋

耆壽

武選

鄉飲

流寓

隱逸

卷十三

人物志五

列女上

貞烈

貞節

賢孝

卷十四

人物志六

列女下

節孝

卷十五

藝文志一

奏疏

論賦

詩書

卷十六

藝文志二

記

卷十七

藝文志三

碑記

卷十八

藝文志四

序

卷十九

藝文志五

傳

卷二十

藝文志六

墓誌銘
附金石

墓表

祭文

雜著

聖製

世祖章皇帝訓飭士子卧碑文

順治九年

朝廷建立學校選取生員免其丁糧厚以廩膳設學院學道學官以教之各衙門官以禮相待全要養成賢才以供朝廷之用諸生皆當上報

國恩下立人品所有教條開列於後

一生員之家父母賢智者子當受教父母愚魯或有非爲者子既讀書明理當再三懇告使父母不陷於危亡

一生員立志當學爲忠臣清官書史所載忠清事蹟務須互相講究凡利國愛民之事更宜留心

一生員居心忠厚正直讀書方有實用出仕必作良吏若心

術邪刻讀書必無成就爲官必取禍患行害人之事者往
往自殺其身常宜思省

一生員不可干求官長交結勢要希圖進身若果心善德全
上天知之必加以福

一生員當愛身忍性凡有司官衙門不可輕入卽有切己之
事止許家人代告不許干預他人詞訟他人亦不許牽連
生員作証

一爲學當尊敬先生若講說皆須誠心聽受如有未明從容
再問毋妄行辯難爲師長者亦當盡心教訓勿致怠惰

一軍民一切利病不許生員上書陳言如有一言建白以違

一生員不許糾黨多人立盟結社把持官府武斷鄉曲所作

文字不許妄行刊刻違者聽提調官治罪

聖祖仁皇帝聖諭十六條

康熙三十年

敦孝弟以重人倫 篤宗族以昭雍睦

和鄉黨以息爭訟 重農桑以足衣食

尚節儉以惜財用 隆學校以端士習

黜異端以崇正學 講法律以儆愚頑

明禮讓以厚風俗 務本業以定民志

訓子弟以禁非爲 息誣告以全善良

誠匿逃以免株連 完錢糧以省催科

聯保甲以弭盜賊 解讐忿以重身命

聖祖仁皇帝御製碑

至聖先師孔子贊并序

蓋自三才建而天地不居其功一中傳而聖人代宣其蘊
有行道之聖得位以綏猷有明道之聖立言以垂憲此正
學所以常明人心所以不泯也粵稽往緒仰邁前徽堯舜
禹湯文武達而在上兼君師之寄行道之聖人也孔子不
得位窮而在下秉剛述之權明道之聖人也行道者勲業
炳於一朝明道者教思周於百世堯舜文武之後不有孔
子則學術紛淆仁義湮塞斯道之失傳也久矣後之人而
欲探二帝三王之心法以爲治國平天下之準其奚所取
哀焉然則孔子之爲萬古一人也審矣朕巡省東國謁祀

關里景企滋深敬摛筆而爲之贊曰

清濁有氣剛柔有質聖人參之人極以立行著習察舍道
莫由惟皇建極惟后綏猷作君作師垂統萬古曰惟堯舜
禹湯文武五百餘歲至聖挺生聲金振玉集厥大成序書
刪詩定禮正樂旣窮象繫亦嚴筆削上紹往緒下示來型
道不終晦秩然大經百家紛紜殊途異趣日月無踰堯堦
可悟孔子之道惟中與庸此心此理千聖所同孔子之德
仁義中正秉彜之好根本天性庶幾夙夜勗哉令圖遡源
洙泗景躅唐虞載歷庭除式觀禮器摛毫仰贊心焉遐企
百世以上以聖爲歸百世而下以聖爲師非師夫子惟師
於道統天御世惟道爲寶泰山巖巖東海泱泱高數仞

夫子之堂孰窺其藩孰窺其徑道不遠人克念作聖

顏子贊

聖道早聞天資獨粹約禮博文不遷不貳一善服膺萬德
來萃能化而齊其樂一致禮樂四代治法兼備用行舍藏
王佐之器

曾子贊

洙泗之傳魯以得之一貫曰唯聖學在茲明德新民止善
爲期格致誠正均平以推至德要道百行所基纂承統緒
修明訓辭

子思子贊

於穆天命道之大原靜養動察庸德庸言以育萬物以贊

乾坤九經三重大法是存篤恭慎獨成德之門卷之藏密
擴之無垠

孟子贊

哲人既萎楊墨昌熾子輿闢之曰仁曰義性善獨闡知言
養氣道稱堯舜學屏功利煌煌七篇並垂六藝孔學攸傳
禹功作配

世宗憲皇帝上諭訓飭士子碑

雍正四年

國家建立學校原以興行教化作育人材典至渥也朕臨
御以來隆重師儒加意庠序近復慎簡學使釐剔弊端務
期風教修明賢才蔚起庶幾棧樸作人之意乃比年士習
未端儒效罕著雖因內外臣工奉行未能盡善亦由爾諸

生積錮已久猝難改易之故也茲特親製訓言再加警飭
爾諸生其敬聽之從來學者先立品行次及文學學術事
功源委有叙爾諸生幼聞庭訓長列宮牆朝夕誦讀寧無
講究必也躬修實踐砥礪廉隅敦孝順以事親秉忠貞以
立志窮經考業勿雜荒誕之談取友親師悉化驕盈之氣
文章歸於醇雅毋事浮華軌度式於規繩最防蕩軼子衿
佻達自昔所譏苟行止有虧雖讀書何益若夫宅心不淑
行已多愆或蜚語流言脅制官長或隱糧包訟出入公門
或唆撥姦猾欺孤凌弱或招呼朋類結社邀盟乃如之人
名教不容鄉黨不齒縱幸脫褫扑濫竊章縫返之於衷寧
無愧乎况鄉會科名乃掄才大典關係尤鉅士子果有實

學何患困不逢年顧乃標榜虛名暗通聲氣夤緣詭遇罔顧身家又或改竄鄉貫希圖進取囂凌騰沸網利營私種種弊端深可痛恨且夫士子出身之始尤貴以正若茲厥初拜獻便已作姦犯科則異時敗檢踰閑何所不至又安望其持正爲國家宣猷樹績膺後先䟽附之選哉朕用嘉惠爾等故不禁反復惓惓茲訓言頒到爾等務共體朕心恪遵名訓一切痛加改省爭自濯磨積行勤學以圖上進國家三年登造束帛弓旌不特爾身有榮卽爾祖父亦增光寵矣逢時得志寧俟他求哉若仍視爲具文玩愒勿儆毀方躍冶暴棄自甘則是爾等冥頑無知終不能率教也旣負栽培復干咎戾王章具在朕亦不能爲爾等寬矣自

茲以往內而國學外而直省鄉校凡學臣師長皆有司鐸
之責者並宜傳集諸生多方董勸以副朕懷否則職業勿
修咎亦難道勿謂朕言之不預也爾多士尙敬聽之哉

勅提督浙江等處學政按察使司僉事靳讓自古帝王治天下率以興賢育才爲首務稽察前溯學政用憲臣董率之任至重也近來士習未變文事未彰良由督學各官不能仰體朕意今特命爾前往浙江等處提督各府州縣學政爾尙端軌儀崇經術勤勸課嚴坊刻振維新之典草積衰之弊毋炫華而遺實毋避怨以市恩俾士有真才國收實用南土人文所萃尤宜加意作新多方鼓舞以稱朝廷培植人材至意所屬道府州縣及提調等官凡關係學政者聽爾據實考核其禮部題准申飭事宜俱當著實舉行尙有傳諭嚴禁考試情弊爾當恪奉遵依至於本處督撫各有攸司不得互相干預如遇公事交接暨文移往來俱照平

行其布按都三司接見禮儀往來文書有干係學政者俱
照學院衙門舊例爾受茲委任務嚴絕情面一秉虛公振
拔孤寒澄汰汙賤教士有程取士有法俾士風丕變時惟
爾功如或蹈常襲故違命曠職亦惟爾罰爾其慎之故勅
康熙庚辰

御製併書賜靳讓

臺省之設言責斯專寄以耳目寧取具員通明無滯公正
無偏黨援宜化畛域宜捐洞達政體斯曰能賢古昔諍臣
風規凜然訏謨讜論垂光簡編朕每覽繹如鑑在懸居是
官者表裏方直精白乃心充廣其職國計民生臧否黜陟
凡所敷陳敬將惻惻風霜之任以懲好慝搏擊之威以儆

貪墨毋撫細務苟塞言職毋紛成憲妄逞胸臆書思入告
當宁對揚沾名匪正營私孔傷或藏嫌怨謬爲雌黃受人
指囑尤爲不臧形諸奏牘有玷皂囊職司獻替亟宜審詳
敬爾在公風紀巖廊詞箴用勗誕告聯常

戶科掌印臣王曰溫同諸公蒙

恩賜晏乾清宮隨賦昇平嘉晏詩

御製序

朕於宣政聽覽之餘講貫經義歷觀史冊於書見元首股肱賡
颺喜起之盛於詩見鹿鳴天保諸篇未嘗不慕古之君臣一德
一心相悅若斯之隆也今際海內晏安兵革偃息首春令序九
陌燈輝豐穰有徵吾民咸樂思與諸臣欣時式燕爰於乾清宮
廣集簪裾肆筵授几斯時也蟾光熬炬焜耀堂廉綵樹瓊葩
羅樽俎許笑言之勿禁寬儀法之不糾復令次登文陛濯以金
盞咸俾有三爵油油之色焉易曰上下交而志同傳曰享以示
恭儉宴以示慈惠則今日之兕觥旨酒豈徒以飲食燕樂云爾

哉顧瞻諸臣或位居諧弼或職任卿尹或典文翰或司獻納宜
共成篇什以紹雅頌之音朕發端首倡倣栢梁體班聯逸賡用
昭昇平盛事冀垂不朽云

皆

康熙二十一年正月十四日

御製麗日和風被萬方

卿雲爛熳彌紫圓

大學士勒德洪

臣

一堂喜起歌明良

大學士臣明珠

止戈化洽民物昌

大學士臣李蔚

蓼蕭燕譽

聖恩長

大學士臣馮溥

天心昭格時雨暘

吏部尚書臣黃機

豐亨有兆祝千箱

戶部尚書臣梁清標

禮樂文章仰

聖臬

禮部尚書臣吳正治

廟謨指授靖八荒

兵部尙書臣宋德宜

春回

丹詔罷桁楊

刑部尙書臣魏象樞

河清海晏禹蹟彰

工部尙書臣朱之弼

百度胥

飭綱紀張

都察院左都御史臣徐元文

千官濟濟盈巖廊

吏部左侍郎臣張士甄

天工無曠勤贊襄

吏部右侍郎臣楊永寧

有年歌協臣所望

戶部左侍郎臣

李天馥

共期紅朽答殊常

戶部右侍郎臣李仙根

轉漕億萬充天倉

倉場侍郎臣馬汝驥

邦禮叨贊漸趨踰

禮部左侍郎臣楊正中

職司寅清佐

垂裳

禮部右侍郎臣富鴻基

天河洗甲通蠻鄉

兵部左侍郎臣焦毓瑞

皇威四暢咸來王

兵部右侍郎臣陳一炳

祇承欽恤和氣翔

刑部左侍郎臣杜臻刑

措不用民壽康

刑部右侍郎臣葉方藹

八材庀化師及斯

工部左侍郎臣趙燦

右平左城開明堂

工部右侍郎臣金龜

仰窺神策驅天狼

內閣學士臣李光地

膏以大澤人胥慶

內閣學士臣張玉書

帝庸作歌追虞唐翰林院掌院學士臣陳廷敬身依雲漢賡

天章翰林院學士臣張英恪秉訓厲敦羔羊右副都臣奉宣仁風之吳疆

巡撫江寧左副都臣余國柱九閣誅蕩瞻

龍光通政使司通政使臣王盛唐斗杓高掩貫索芒大理卿臣圖列養正親

羹牆詹事府詹事臣沈荃黃鐘大鏞諧禎祥太常寺卿臣崔澄郊衢擊壤懽

豐穰順天府尹臣熊一瀟大官珍膳雜酒漿光祿寺卿臣馬世濟調閑六御騰

康莊太僕寺卿臣張可前忝預風紀凜清霜僉都臣出入玉珮聲鏘

鏘左通政臣崔官納言惟允尙職詳左通政褒忠勵節感

賜觴右通政臣陳汝器拜手好生頌禹湯大理寺左少卿臣徐旭齡圖扉闌寂春草

芳大理寺右少卿臣榮國祚前星令望欽永邛少詹事臣終始念典用

斯臧少詹事臣言模行範輝縹緗侍讀學士猗歟

至德日就將

侍讀學士臣胡簡敬

叨塵侍從恩莫量

侍讀學士臣朱之佐

靖其夙夜

無怠遑

侍讀學士臣嚴我斯

梧桐生矣于高岡

侍讀學士臣孫在豐

紉書東觀

翰墨香

侍講學士臣盧琦

三德六行爲士坊

國子監祭酒臣王士禎

官官備

位滋悚惶

右春坊右庶子臣祖文謨

六經義叶如笙簧

侍讀臣朱典

奎文煥

若森琳瑯

侍讀臣王封潔

朝朝橐筆侍

御牀

侍講臣董訥

紀載

聖治金匱藏

侍讀臣王鴻緒

頻年宣室虛對揚

侍講臣高士奇

宸篇投藻燭昊蒼

侍講臣郭棻

承華毓德成圭璋

諭德臣陳論

青宮琪樹棲鸞鳳

諭德臣朱世熙

金輿導從驂雲驤

司經局洗馬臣田喜籌

采

恩流影耀壁璫

左叅議臣趙士麟

仁波溟渤同濺汪

左叅議臣趙之鼎

鸞

旂乘春零露瀼

左叅議臣張鵬

爰賡天保矢勿忘

右叅議臣鄭重

八表同

軌來梯航

大理寺寺丞臣徐誥武

雲門磬管聲喤喤

右中允臣吳珂鳴

泰交

天闕開春陽

左中允臣李錄予

惟睿作聖金玉相

右中允臣鄭聞極

珥筆

何幸日月傍

左贊善臣徐乾學

瑞逾寶鼎兼芝房

左贊善臣鄭之謀

堯樽

夜醉星低昂

右贊善臣沈上庸

在廷悅豫和宮商

右贊善臣王尹方

濫典

樂正董上庠

司業臣劉芳喆

治登三五庠聲颺

修撰臣歸允肅

睿謨典譜

同洋洋

編修臣王頊齡

記神聖功臣職當

編修臣曹禾

琅函瑤版書焜

煌

檢討臣潘來

石渠高議芟粃糠

檢討臣嚴繩孫

目侍清禁研鉛黃

編修

臣杜納

願言直節謹自防

吏科掌印臣王承祖

帝心勤民重農桑

戶科掌印臣王日溫

具舉細目恢宏綱

禮科掌印臣李迥

誕敷

文德四國匡

兵科掌印劉沛光

嘉禾旣殖黜莠稂

刑科掌印臣傅感丁

奉琛

執玉輸篚筐

工科掌印

屈軼朱紱

掌河南道

封章

問夜檢皂囊

享江南道
臣任玘

擬將勁搯堅蒼萑

享浙江道
臣李見龍

朝無

關事聯班行

掌山西道
臣郭維藩

千金燎火宵未央

掌山東道
臣孫必振

昇平

高晏邁栢梁

掌陝西道
臣衛執蒲

賜宴

乾清宮紀事

康熙二十一年正月初九日昧爽有

旨傳漢九卿詹事科道官至內閣大學士學士出閣率諸臣於閣東左掖門跪滿學士明傳

旨云海內蕩平欣逢上元令節滿洲諸臣嘗賜宴內庭朕念滿漢一體欲召諸漢臣於內庭賜宴可使得否諸臣同聲云君臣相悅滿漢一體此

皇上特恩也明入啟奏復出宣

旨云

皇上知道了且散去次日吏部以應與宴者列名請奉

旨十四日賜宴先於十二日傳集諸臣至禮部部臣出宴坐圖
序位次分爲左右二班班各三層同諸臣習儀至十四日已
刻諸臣齊集景運門外悉衣補服依圖序坐立滿漢閣臣領
班習禮閣臣明又自出班行進酒賜酒起拜諸儀以示諸臣
恭敬捧持一如

上前蓋內庭嚴肅之地諸臣從未有至焉者故其進退趨踰之
節不敢不敬謹熟習而後入也申刻至乾清門序坐內直學
士臣張英出云

皇上有旨閣臣同諸臣跪聽宣云內庭賜宴歷代所無上下交
泰古稱盛事今日之宴各宜盡歡以副朕意其時閣臣李率
諸臣復旨云

聖恩隆重臣等不勝惶愧少頃宮門開侍衛十人各持豹尾鎗從兩旁門進諸臣序入聞御樂作諸臣由兩墀歷階進至宮內候齊皆跪一叩首座上重裯細旃羅列俱就惟宴席則坐定後設閣臣尙書二人一席餘俱三人一席右墀前層少列二席有梨園黃帷在焉然後知曩者所定圖序皆上以官秩之前後度宮內之廣狹而一一親位次焉者於時宮內外張燈無算

上所御寶座居宮之正中上有

御書扁額正大光明四字御座周圍方二丈許列硃欄高三尺許前有中左右三門門各堵三級盡級則御座前鋪裯地也

上用御饌先以兩侍衛捧二盒向御座前跪又二人啟盒捧至御座前上兩級又二侍臣捧置御案凡三易人而饌始至案四進饌而御筵始畢焉有頃閣臣明起行進酒禮先至御座前中北嚮跪諸臣各就坐所跪樂作一侍臣捧金杯酌酒明捧杯從中階上右折而北跪進酒

上手接杯置案明從右階下仍至御座前跪叩首諸臣皆叩首宮內左右侍酒饌諸臣亦皆叩首

上方飲飲畢明上右階至御案前接盃從中階下至御座前跪

上賜明酒另換金杯明叩首飲飲畢再叩首起諸臣皆起仍卽跪叩首坐候

上持箸諸臣皆持箸飯一湯一蒸食二高碗四平碗八珍錯之
味無一不備又另設黃魚餚一銀盤

上宣慰諸臣期於飽飫故雖

天威咫尺諸臣蓋未嘗不飽也食畢撤御饌並撤諸臣席侍
衛各送清茶設果棹復以赤金琖進

上果棹如進饌儀進畢閣臣勒進酒閣臣李進酒進反跪拜及
諸臣跪拜俱如明進酒儀次閣臣馮起進酒

上接杯遂飲卽於御案前賜馮酒

上曰老人家着人扶一侍臣扶馮卽御案西跪飲畢叩首從
正西堦下馮年七十有四

上篤念老臣省其進反其體恤有如此進酒畢閣臣暨諸臣皆

叩首坐

上左顧傳冢卿黃至 御案旁酌金卮賜之右顧傳計卿梁以序屬目傳諸正卿總憲及侍郎副憲學士至 御案旁

上左手賜左右手賜右諸臣叩首跪飲畢下階還坐次

上恩禮大臣其隆重有如此自通政卿以下令左右各五入爲一班至 御座前北面跪侍臣酌金盃遞酒各捧盃叩首飲飲畢叩首還坐次惟於諸臣中 召大理寺少卿臣馬世濟右通政臣陳汝器至 御案旁

上親賜酒如大臣禮蓋二臣之父靖節封疆慘烈爲最

上憫其忠特授是官卽卮酒猶膺異數也其風勵臣節有如此是時諸臣祇肅寂靜不聞咳唾之聲

上呼學士張英出班傳

旨云言笑弗禁

上舉箸諸臣皆舉箸食元宵粉團及諸果品侍衛執壺以建磁
盃就席酌酒數巡梨園始作先一人袍冠執笏俯伏 御座
前高聲云此一闕是令布春和內扮青陽君一人召五穀神
四人風伯雨師二人語俱祝有年重農事也復一人袍冠執
笏俯伏 御座前高聲云此一闕是三星同慶扮福祿壽三
星內如祿星所云文官不愛錢武官奮武威始得長享爵祿
壽星所云人壽本長只緣情慾傷損清心寡慾自能祈壽延
年凡以示儆勸也二闕都非人間詞曲或者內庭新製耶蓋
上深宮邃處動必以禮梨園雜劇弗敢褻陳卽一燕娛之間而

念不忘民教臣以正有如此先是初入乾清宮見 御座後
上懸玻璃盞十二圓下列米家屏十二幅中間珠壁交映金
碧相暉山川花木人物蓬船之形若無一不具者然尙在依
稀恍惚之間未敢審視也既而張燈之後光彩陸離炤耀滿
宮竊觀

上耳語侍衛須臾樂聲從 御座後迭奏如聆鈞天之音上下
人物蓬船皆游動颯颯如風雨聲始知爲鰲山燈蓋西洋南
懷仁所製座後機軸旋轉而後動也

上恐諸老臣遠視弗真又命大學士尙書總憲臣以序歷階而
上至 御座後熟視出 上方窑醜賜之復傳諸臣左右各
五人爲一班至 御座前北面跪二侍臣執二銀樽立

上左右旁以磁盃十隻酌酒布

上案前侍臣十人各執盃下堦賜酒較前次引而漸近諸臣飲
叩俱如前儀飲畢閣臣率諸臣起出宮門外就堦行一跪三
叩首禮謝

恩諸臣甫下堦將由西墀出內官傳

旨云各官有既醉難行者着內官扶出蓋

上殊恩異數期於盡醉先設內官數十人爲醉扶之助故有是
旨也出至乾清門學士張玉書傳

旨着與宴諸臣做柏梁體用七陽韻各聯詩一句用昭

昇平盛事再出至景運門見盒燈高懸火樹銀花雜然並陳相

傳

乘與將出不禁諸臣觀燈然已漏下二鼓矣 大內之

地未便久畱也明早諸臣入 朝恭請

皇上前首倡賦詩

上有麗日和風被萬方之句諸臣聯續成章恭呈

睿覽命名曰昇平嘉宴詩

上復親製序文 御書行楷勒之金石以誌一德同心之雅焉

上下數千年間燕鎬橫汾非不侈爲美設如此恩禮兼隆情
文備至洵未易多覲者矣至其時內庭景物得覲記者有如
宮陛前冲天柱一對高三丈許雕塗金龍柱各懸五色角燈
八串計燈五十六圓柱頂有龍頭寶蓋懸小角燈五圓柱下
各有四金人繫柱之黃索於其手儼如生人用力狀又如乾

清門至宮陛 御道有雙白玉欄欄柱不勝其數柱頂皆以
綵絲宮燈繫之又如宮墀四角各懸大琉璃燈一串串可數
十圍又如宮門前柱聯乾清宮坤寧宮乾坤清寧文華殿武
英殿文武英華宮內東壁懸 御筆一軸書金殿當頭紫閣
重四句字大如斗西壁懸古畫一軸雲烟滿幅又如宮內列
紅梅二盆白梅二盆瑞香二盆探春二盆俱置硃漆架上又
如宮內東西兩山各有方門門上鏤金屋簷又如 御案前
金爐五座金瓶一對金燭臺一對金果樓五座內盛橘柑蘋
果各種時燈炬炷燿金珠絢爛爐香籟馥音樂鏗鏘密迤
天顏記憶弗備目眩心悸彷彿人間天上而已臣備員掖垣叨
列班行念曠典希逢

鳳陽縣志 卷之四
君恩難報敬述其概以志不忘云

皆

康熙二十一年歲次壬戌正月十八日

戶科掌印給事中臣王曰溫恭紀

聖恩恭紀

靳讓

康熙四十年十月十八日臣靳讓以御史出知通州十一月初二日到任歷一年零兩月雖勉供職守獨此心清白差可自信而吏治民生實無善狀康熙四十一年十二月十九日戌時忽有長班自京來報本日九卿在會議班保舉學差傳

旨爾等所舉還有未到如江寧府知府劉爰居官好通州知州靳讓操守甚好可用九卿同回奏云

主子用人不錯果然好二十日

命下提督各省學政翰林三御史一部郎三知府一知州臣讓奉有提督廣西學政之

旨二十二日吏部差筆帖式保住劄傳內開本日奉

旨通州知州靳讓着速來京二十三日引見臣讓卽策騎赴京

二十三日早同學臣沈涵潘宗洛顧悅履張瑗劉謙翁嵩

年孫績功暨先日

欽點學臣張廷樞文志鯨十人趨朝俱蒙

召進南書房考試八股一篇恭和

御製五言律詩一首日晡近侍收卷持入

大內及西宣

旨意別箇官係九卿保舉的知州靳讓翰林文志鯨是

主子自己保舉的到地方務要拔取真才做好官

主子面上也有光你們詩俱好文字尙未看明日再來候

旨二十四日復同進 南書房傳

旨文字也都好又傳有通州知州真不要錢好官之

天語

頒賜御書朱子詩各一幅臣讓得

御書疎此竹下渠漱彼澗中石暮館繞寒聲秋空動澄碧朱子

詩一幅學臣十人同跪 奏請

御書爲考試歎詩各

賜一幅到地方勒碑永昭勸懲近侍入 內代奏少項捧

御書一幅出傳

上諭冬寒一時難寫多幅照樣雙鈎

賜你們罷臣讓復請

庚辰縣志 卷首
旨回署料理交盤近侍傳

旨這所奏甚是着明日卽回去有

旨傳他再來臣讓卽於二十五日捧

御書回署今年正月十三日學臣十人同赴 暢春園請

領

聖訓傳

旨前

御製爲考試歎詩已訓誡明白了你們到地方只要做好官別

沒甚吩咐隨同叩頭謝

恩而退吏部分別職銜請

旨議臣讓以僉事道用三月初四日奉

旨依議印改鑄提督學政院道同二十七日辭

朝餼

勅印就道

臣

讓自維一介寒儒蒙

皇上擢以破格

寵以異數

臣

何以報

臣

心彌惕矣康熙四十

二年歲次癸未初夏提督廣西學政按察使司僉事

臣

靳

讓恭紀

天麻堂匾後記

靳讓

康熙四十四年乙酉春

上閱視河工俯從江浙士民之請

鑾輿南巡四月初三日

駐蹕杭城初六日

賜_臣讓

御書對聯一幅_臣讓以母高氏八十九歲所

賜御書匾額以益天年啟奏傳

旨着自擬字_臣讓恭擬天麻堂三字以進隨蒙

賜御書內侍捧出_臣讓叨被

皇恩欽遵教孝至意製懸中堂咫尺瞻仰敢不益勵官箴且以

昭示子孫俾世世永言無斃云提督浙江等處學政按察使司僉事臣靳讓恭紀

萱庭春永匾後記

靳讓

康熙四十四年春

皇上閱視河工指授善後方略俯從浙江士民之請

鑿輿南巡四月初三日

上駐蹕杭城初六日

賜臣讓對聯一副臣讓以母高氏年八十九歲所

恩賜御書匾額以益天年敢奏蒙

賜天麻堂三大字初七日

上駐蹕西湖初十日

召見行宮

霽顏溫語且

問及臣讓父母子男復蒙

賜臣母萱庭春永四大字臣讓叨被

皇恩欽遵

教孝至意製懸中堂咫尺瞻仰敢不益勵官箴且以昭示子孫
俾世世永言無斁云提督浙江等處學政按察使司僉事

臣靳讓恭紀

綸誥

賦

梁惟賢

制曰國家設都督府以總內外軍政長貳皆以勲臣處之至於幕職亦必得人乃克有濟爾中軍都督府經歷司經歷梁惟賢發身冒監嘗更任使迨遷斯秩式克慎勤茲特錫之誥命授奉直大夫服此隆恩益懋修而不懈尙有顯爵以旌爾能其徃欽哉

宣德九年十一月二十五日

孫春

勅曰戶部司國計理財用生民休戚所係故置屬特羣於他部必皆得人斯稱任使爾戶部江西清吏司主事孫春發身

賢科推任今職歷年滋久政績有聞宜錫寵恩以旌勞動是
用進爾階承德郎錫之勅命以爲爾榮爾其益盡乃心益懋
乃績毋忝嘉命欽哉

成化二十二年三月十六日

制曰民者國之本生必藉於撫摩財者國之資用必嚴於出
納故設部曹以理事而盛官屬以分勞向非得清通之才豈
可責富庶之效爾戶部漕江清吏司署郎中事員外郎孫春
儒學起家賢科被薦歷地曹之政績有舊勞署郎正之銜非
同外置在公勤慎良可褒嘉茲特進爾階奉直大夫錫之誥
命於戲六卿之屬務在寅恭八政之疇必先食貨庶靖其於爾
職益勉副於朕心欽哉

宏治七年十月十七日

制曰親民之政明揚每藉於旌書錫命之榮褒寵不專乎考
部蓋法有定制而恩有特施凡沾旌異之名必在褒典之列
禮文攸重激勸所關爾陝西鞏昌府知府孫春儒業起家賢
科拔儻累官卽署久殫佐計之勞進陟邦侯遂領專城之寄
才既優於治劇心尤切於愛民最考是書賢聲愈著肆薦章
之交至宜恩典之渙頒茲特進爾階中憲大夫錫之誥命於
戲體國莫切於保民已徵嘉績率下必先於正已勿替初心
尙有崇階以需來効欽哉

宏治十五年五月初八日

張昂

勅曰國家設軍衛以安民雖專武職以領務則用文資寓意
實深用人宜慎爾羽林左衛經歷司經歷張昂發身從事列
職幕僚綜理惟勤操持罔懈歲年寢久勞勩良多宜有渥恩
以示褒勸茲特進爾階徵仕郎錫之勅命夫官不計崇卑必
求其稱事不論難易務底於成益圖職業之修以俟官階之
陟欽哉

正德十三年六月初九日

馬錫

勅曰國家以傳宣命令之責獨寄於行人所以廣其踐閱而
厚用之也非得茂才異等何以勝之爾行人司行人馬錫蜚
聲甲第擢任使曹和慎祗收將命不辱茲以成績來聞特進

爾階修職郎錫之勅命於歲德懋懋官國有常典能積勤累善而不已則才守不兼至乎在爾勉之以求爲可進也欽哉
嘉靖二十四年八月初一日

馬載道

勅曰國家設官分職凡以爲民也而承宣尤係乎守令故吏之循良者則擢以不次爾直隸真定府真定縣知縣馬載道少登巍科壯試巖邑蒞衝繁而才堪游刃清淵藪而治奏烹鮮聽斷如流隣封播青天之頌撫字若保四境有慈母之稱美錦旣成上賞宜加茲特授爾階文林郎錫之勅命且嘉爾勞績擢佐畱臺矣居法令典章之地職守視諸司爲要尙往欽哉無替初譽

嘉靖三十九年 月 日

勅曰憲臺雄要自昔所重而幕僚之首尤貴得人蓋將以參法紀閱機務而交修官守也爾南京都察院經歷司經歷馬載道擢穎鄉科馳聲邑令以薦章交報陟茲憲幕而恭勤詳恪克祇厥司茲以覃恩授爾階承德郎夫爾旣勞心於外邑而復宣力於內臺則任無不舉而益殫勞能無替初始則登進亦豈有量

隆慶元年 月 日

馬 隆 僅 元 配 胡 宜人 制 誥

制曰良臣矢願致主顯親國家體臣推恩錫類故馳封之典賁於生前贈卹之榮篤於歿後爾贈承德郎南京都察院經

歷司經歷馬隆乃南京戶部員外載道之父箱未承緒孝義
淑身豹隱含光允稱鄉國之善燕貽食報迭晉林德之階今
爾子官戶曹愈有成績則酬爾之秩名允宜崇顯茲特贈爾
爲奉直大夫南京戶部員外沐殊榮於屢賁應含笑於重泉
制曰泉府之疏實惟廉吏國器之誕厥由慈媛但宣勞食厚
每多弗將之憾而體臣惠下必有因心之推爾贈安人胡氏
乃南京戶部員外馬載道之母慎淑而孝勤儉且慈愉色奉
孀孝咏祁祁之被義方訓子慈成振振之麟所惜者子貴而
吧徒瞻以孝治天下者之所軫也茲特贈爾爲宜人以申爾
子之志九原如在三錫用光

隆慶 年 月 日

馬載道僅元配趙宜人制誥

制曰我國家建都於北而財賦仰給於南故經理需人地官尤急爾戶部員外馬載道弱冠掄魁歷官著績字毗畿甸三異蜚聲佐憲畱臺百度振舉迺者權關杭州稅額無虧而商舶攸利益徵廉能且畱心國計七事上陳業下本部酌採見諸施行矣懋官懋賞國典有常茲特授爾階奉直大夫錫之綸命語有云宦怠於垂成爾尙益恪乃職以須重任

制曰妻者齊也倫主配合而義取匡維故貞廉之臣半賴賢淑之助不然蒞華廡之任牽帷帟之私鮮有不喪其所守者矣爾南京戶部員外馬載道妻封安人趙氏柔嘉祗姑靜好宜室相夫子成羔素之節被重綸仍編綦之行乃者爾夫權

關不染農扈抵績內助之勤不可泯也茲特封爾爲宜人綸
寵三加爾榮多矣鳴雞交誠尙益念諸

隆慶 年 月 日

斬 相 於中祖

制曰朕聞高曠者揚謹飭者靜乃若汗湯可徧四方沉凝可
秘一室斯其風規可按也而况蔚有聞孫爲我誠臣者爾勒
相乃原任山東按察司整飭金復海蓋兵備屯田兼遼東苑
馬寺事按察使於中之祖父頎然偉貌穢爾清衷爾其盡解
天弢不關仲產蚤攬河山於襟抱晚逃身世於邁衡蓋以友
愛爲高華以豪雄躬篤厚撫孫謀之誕鬯嘉祖德之方新是
用贈爾爲通議大夫山東按察司按察使豐下者昌後於爾

孫識祖風焉尙歆承乎寵命其承庇乎來昆

勅曰朕聞螿女從孫錫祚允也尊祖及妣念蓋臣也褒崇之
典烝畀均焉爾李氏乃原任山東按察司整飭金復海蓋兵
備屯田兼遼東苑馬寺事按察使靳於中之祖母德應閨婺
性閑內則爾其操貞佐隱培美開祥繩武有孫世叶鳳鳴之
卜貽謀自祖庭歌麟定之徵策助蔚爾公家介福輯於王母
是用贈爾爲淑人孫暮紹未艾之前麻家範衍無窮之後蔭
萬歷四十四年三月二十日

靳文登

於中父

制曰士抱璞以式穀後人卽身晦於窮而道效於朝也矧其
擁佳兒於芝玉而稱覲齒焉旣膺天爵載佩國華朝廷爲臣

子願之矣爾封奉政大夫戶部湖廣清吏司郎中斯文登乃
原任山東按察司整飭金復海蓋兵備屯田兼遼東苑馬寺
事按察使於中之父樸茂居然先進云爲動合古人膝偏抱
於長吟志竟成於永濟翩翩駒齒羣看絕地之才穢穢鳳毛
先快凌霄之羽嘉庭聞於燕翼叙戎績於龍荒是用封爾爲
通議大夫山東按察司按察使明綸承三錫之光景福衍百
年之慶

勅曰人子仕欲及親則輒祝其親曰偕老乃若同壽於室同
榮於朝而繞膝之歡與循陔之孝交相慶也爾封宜人婁氏
乃原任山東按察司整飭金復海蓋兵備屯田兼遼東苑馬
寺事按察使斯於中之母宅心孝愛砥志儉勤蒿簪矢索澹

寧畱冀野之風菽畫成文勞愛立盧陵之範寶桂揚芳於競
爽螯弧快秉於先登是用封爾爲淑人報熊丸於鼎釜歌燕
喜於芝蘭

萬歷四十四年三月二十日

靳於中

制曰朕聞蓋牟析木間稱沃野焉嚴望遂以寧人今不然乎
凋罷之後生聚爲難自非公忠沉敏誰爲我遠圖者爾原任
山東按察司整飭金復海蓋兵備屯田兼遼東苑馬寺事按
察使靳於中以子大夫高等初試版曹洵執外臬提鑑衡於
北海文標旬始以爲華振綱紀於東營氣攬機槍而作旃爾
其北臨五國南拊三韓人當萬里之城識綜百年之計靜而

能備丕揚積弱之軍聲戰以先謀克綢未雨之戶牖茲以歲
閱特授爾階通議大夫錫之誥命徃使者顛旣脫於尺寸重
王土耳其不盡足耕也無寧返沃野於平蕪而蘆葦焉爾闢田
遂踰二十萬是嚮者所腐辱圖之而未效也今旣効矣尙竟
爾猷將以膽智以當疆場之重爾惟念哉

制曰女士率介備飭庭屏以承尊人之歡也有四履之象焉
故士借箸而籌梱以外也若女士借箸而籌梱以內也朝廷
爲勞臣念之爾原任山東按察司整飭金復海蓋兵備屯田
兼管遼東苑馬寺事按察使靳於中妻封宜人劉氏以辨族
淑貞于歸令德而友于娣姒穆孝尊章肅肅雁雝克庀泉絲
之業翩翩象服猶甘綦縞之風乃勵相乎名賢遂茂登乎偉

勤瞻尊俎折衝之畧惟閨幃贈佩之勤茲用加封爾爲淑人式
被翟衣之華服尙襄羔素之清風

萬歷四十四年二月二十日

靳文登

論曰惟爾主善爲師惟德是服豹隱戢躬鴻儀表俗祥發璇
源而慶流苞呈符采以瑞毓股肱倚重於中外喉舌遞崇乎
南北辰猷丕茂庭訓攸屬方荷海寵於大耄之年忽赴永期
於衆香之國加邊禮隆臨祭典特乃瞻幽靈尙其歆哉

崇禎元年十二月十九日

王良

勅曰國家以施仁養民爲首爾能出穀麥一千四十一石六

斗用助賑濟有司以聞朕用嘉之今遣人齎勅諭爾勞以羊酒旌爲義民仍免本戶雜泛差役五年尙允蹈忠厚表勵鄉俗用副褒嘉之意欽哉故勅

正統三年六月二十五日

白祥

勅曰國家施仁養民爲首爾能出米一千二十石用助賑濟有司以聞朕用嘉之今特賜勅獎諭勞以羊酒旌爲義民仍免本戶雜泛差役五年尙允蹈忠厚表勵鄉俗用副朝廷褒嘉之意欽哉故勅

正統五年五月二十二日

孫瑛

封中憲大夫陝西鞏昌府知府配馮氏贈宜人勅失

原貞縣志 卷前
王 欽

封朝列大夫配陸氏封安人勅失

許自省

封徵仕郎配封孺人勅失

王肯堂

以子字清封文林郎配韓氏封孺人勅失

王思敬

以子東岱贈漢中府推官配贈孺人勅失

王無言

以賑助七品散官勅失

國朝

吳一彬

六瑾父

制曰興孝維君錫類宏昭報本教忠自父服官敬用承家爾吳

一彬乃江南江北狼山鎮標署守備管中營中軍守備事吳

六瑾之父道在襁褓爰被絲綸之重志存作室式宏堂構之

遺茲以覃恩贈爾爲宣武將軍江南江北狼山鎮標署守備

管中營中軍守備事錫之誥命於戲恩逮所生彌表象賢之
美榮施下壤益彰燕翼之庥

制曰疏恩將母宏推錫類之仁移孝作忠均切顯揚之念爾江
南江北狼山鎮標署守備管中營中軍守備事吳六瑾母朱
氏愛子能勞篤義方於杼柚相夫克順端令範於閨闈茲以
覃恩贈爾爲恭人於戲象服昭榮聿荷廷綸之寵熊丸遺教
永流泉壤之輝

制曰劬勞罔間者鞠子之深恩褒恤維均者勸忠之大典爾江
南江北狼山鎮標署守備管中營中軍守備事吳六瑾繼母
何氏相夫必敬克嗣乎前徽勗子成名不殊於己出茲以覃
恩贈爾爲恭人於戲承明命之有赫寵被華綸昭德音於不

瑕榮馳黃壤

吳六瑾

制曰國家推恩而錫類臣子懋德以圖功懿典攸存忱恂宜勗爾江南江北狼山鎮標署守備管中營中軍守備事吳六瑾武闡茂選兵事夙嫻授以署守備訓練有方小心奉職恪勤罔懈慶典欣逢恩綸宜錫茲以覃恩特授爾階宜武將軍錫之誥命於戲式宏車服之庸用勵顯揚之志尙欽榮命益矢嘉猷

制曰靖共爾位良臣旣効其勤黽勉同心淑女宜從其貴爾江南江北狼山鎮標署守備管中營中軍守備事吳六瑾妻郭氏克嫻內則能貞順以宜家載考國常應褒嘉以錫寵茲以

覃恩封爾爲恭人於戲敬爲德聚實加儆戒以相成柔合女
箴愈著匡襄以永賚

康熙六年十一月十六日

制曰國家推恩而錫類臣子懋德以圖功懿典攸存忱恂宜勗
爾江南江北狼山鎮標署守備管右營遊擊事吳六瑾武闡
茂選兵事夙嫻授以守備訓練有方小心奉職恪勤罔懈慶
典欣逢恩綸宜錫茲以覃恩特授爾階明威將軍錫之誥命
於戲式宏車服之庸用勵顯揚之志尙欽榮命益矢嘉猷

初任江北狼山鎮標中

營中軍守備二任今職

制曰靖其爾位良臣旣効其勤龜勉同心淑女宜從其貴爾江

南江北狼山鎮標署守備管右營遊擊事吳六瑾妻郭氏克
嫺內則能貞順以宜家載考國常應褒嘉以錫寵茲以覃恩
封爾爲恭人於戲敬爲德聚實加儆戒以相成柔合女箴愈
著匡襄以永賚

康熙十四年十二月十四日

吳憲儒

制曰分符百里必遴出宰之材報最三年爰重懋官之典爾福
建福州府閩清縣知縣加一級吳憲儒雅擅才能克宣慈惠
撫綏有要常深疾痛在己之心懷保無窮不忘顧復斯民之
責茲以覃恩授爾爲文林郎錫之勅命於戲前勞已茂用褒
制錦之能來軫方邁益勵飲水之操

初任

今職

制曰良臣宣力於外効厥勤勞賢媛襄職於中膺茲寵錫爾福建福州府閩清縣知縣加一級吳憲儒妻劉氏終温且惠既靜而專綦縞從夫克贊素絲之節蘋蘩主饋爰流彤管之輝並以覃恩封爾爲孺人於戲敬爾有官著肅雍而並美職思其內迺黽勉以同心

康熙五十二年三月十八日

王曰温

制曰錫類推恩朝廷之大典分猷亮采臣子之常經爾內宏文院庶吉士加一級王曰温品行端凝文思淵博簡居詞苑奉

職無愆慶典欣逢新綸宜賁茲以覃恩授爾爲文林郎錫之
勅命於戲宏敷章服之榮用勵靖其之誼欽茲寵命懋乃嘉
猷

初任庶吉士

二任今職

制曰人臣報本之恩不殊於先後國家錫類之典無間於存亡
爾內宏文院庶吉士加一級王曰溫前母韓氏修厥壺儀衍
爲家慶念子情之難替宜母德之載彰茲以覃恩贈爾爲孺
人於戲采絢華綸流鴻庥於奕葉榮施冥漠表景祐於松楸
制曰奉職在公嘉教育之有自推恩將母宜錫典之攸隆爾內
宏文院庶吉士加一級王曰溫母劉氏壺範宜家夙協承筐

之媿母儀貽穀載昭畫荻之芳茲以覃恩封爾爲孺人於戲彰淑德於不瑕式榮象服膺寵命之有赫益賁徽音

制曰恪共奉職良臣旣殫厥心貞順宜家淑女爰從其貴爾內宏文院庶吉士加一級王曰溫妻蘇氏含章協德令儀夙著於閨闈黽勉同心內治相成於夙夜茲以覃恩封爾爲孺人於戲龍章載煥用褒敬戒之勤翟莠欽承益勵柔嘉之則
康熙六年十一月二十六日

制曰錫類推恩朝廷之大典分猷亮采臣子之常經爾兵科掌印給事中加一級王曰溫植節剛方服官敬慎簡畀掖垣之任懋昭蹇諤之聲慶典欣逢恩綸用賁茲以覃恩授爾爲文林郎錫之勅命於戲宏敷章服之榮用勵靖共之誼欽茲寵

命懋乃嘉猷

初任庶吉士二任庶吉士加一級三任兵科給事中四任
補兵科給事中五任兵科掌印給事中六任今職

制曰人臣報本之恩不殊於先後國家錫類之典無間於存亡
爾兵科掌印給事中加一級王曰溫前母韓氏修厥壺儀衍
爲家慶念子情之難替宜母德之載彰茲以覃恩贈爾爲安
人錫之勅命於戲采絢華綸流鴻庥於奕葉榮施冥漠表景
祐於松楸

制曰奉職在公嘉教育之有自推恩將母宜錫典之攸隆爾兵科
掌印給事中加一級王曰溫母劉氏壺範宜家夙協承筐之
徽母儀始穀載昭畫荻之芳茲以覃恩封爾爲安人於戲彰

淑德於不瑕式榮象服膺寵命之有赫益貢徽音

制曰恪共奉職良臣旣殫厥心貞順宜家淑女爰從其貴爾兵
科掌印給事中加一級王曰溫妻蘇氏含章協德令儀夙著
於閨闈黽勉同心內治相成於夙夜茲以覃恩封爾爲安人
於戲龍章載煥用褒敬戒之勤翟芾欽承益勵柔嘉之則

康熙十四年十二月十四日

武拱宸

得榮曾祖

制曰授五兵於闔外韜畧無前錫三命於師中箕裘有後家聲
不墜國典攸隆爾武拱宸乃左都督管浙江處州副將事拜
他喇布勒哈番武得榮之曾祖父善以禋躬慶能昌緒下貽
式穀爛樽俎以宣勞上溯淵源荷絲綸而彌顯茲以覃恩贈

爾爲榮祿大夫左都督管浙江處州副將事拜他喇布勒哈
番錫之誥命於戲重孫果毅良由述祖維勤三世恩榮益念
忠君罔斃

制曰豹略承先積善必由累葉燕貽啟後發祥尤本閨門闡儀
歷數世彌彰國典自九天特沛爾左都督管浙江處州副將
事拜他喇布勒哈番武得榮之曾祖母袁氏女德無譬婦功
夙慎恩勤遞衍識將種之由來似續克昌被綸衣其曷媿茲
以覃恩贈爾爲一品夫人於戲百年毓慶食報遠而更榮三
世勲封拜命隆而加惕

武守定

得榮祖

制曰策勲疆圉迺大父之恩勤錫賚絲綸表皇朝之需澤爾武

守定乃左都督管浙江處州副將事拜他喇布勒哈番武得榮之祖父敬以持躬忠能啟後威宣闔外家傳韜略之書澤沛天邊國有旂常之典茲以覃恩贈爾爲榮祿大夫左都督管浙江處州副將事拜他喇布勒哈番錫之誥命於戲我武維揚特起孫枝之秀賞延於世益徵遺緒之長

制曰樹豐功於行陣業著聞孫錫介福於庭幃恩推大母爾左都督管浙江處州副將事拜他喇布勒哈番武得榮祖母陳氏壺儀足式令聞攸昭振劍佩之家聲輝流奕世播絲綸之國典慶衍再傳茲以覃恩贈爾爲一品夫人於戲翟芾用光膺宏休於天闕龍章載煥錫大惠於重泉

武天佑 得榮父

制曰寵綏國爵式嘉閱閱之勞蔚起門風用表庭闈之訓爾武
天祐乃左都督管浙江處州副將事拜他喇布勒哈番武得
榮之父義方啟後穀似光前積善在躬樹良型於弓冶克家
有子拓令緒於韜鈴茲以覃恩贈爾爲榮祿大夫左都督管
浙江處州副將事拜他喇布勒哈番錫之誥命於戲錫策府
之徽章洵承恩澤荷天家之休命永賁泉壚

制曰怙恃同恩人子勤思於將母赴桓著績王朝錫類以榮親
爾左都督管浙江處州副將事拜他喇布勒哈番武得榮母
趙氏七誠嫻明三遷勤篤令儀不忒早流珎瑤之聲慈教有
成果見干城之器茲以覃恩贈爾爲一品夫人於戲錫龍綸
而煥采用答劬勞被象服以承休永光泉壤

武得榮

制曰簡蒐軍旅，冠籌叅坐鎮之權，莞握兵機，決策贊元戎之任。克宣勇力，宜錫崇褒。爾左都督管浙江處州副將事，拜他喇布勒哈番。武得榮，禦侮長才，折衝壯略。虎符分統，作上將之股肱。鶴列森陳，樹偏師之羽翼。奏膚功於保障，展茂烈於干城。慶典欣逢，殊榮用沛。茲以覃恩，特授爾階。榮祿大夫，錫之誥命。於戲，聲威有赫，良由將帥同心。綸誥生輝，祇受國家上賞。益勤武備，永荷恩光。

初任浙江嚴協右營中軍守備

二任福建漳浦鎮標左營遊擊

三任江南徽州營叅將

四任今職

制曰策府疏勲甄武臣之茂績寢門治業闡賢助之徽音爾左
都督管浙江處州副將事拜他喇布勒哈番武得榮妻李氏
毓質名閨作嬪右族擢蘋采藻夙彰宜室之風說禮敦詩具
見同心之雅茲以覃恩封爾爲一品夫人於戲錫寵章於閨
闈惠問常流荷嘉獎於絲綸芳聲永劭

康熙二十七年十月 日

李瀚

制曰求治在親民之吏端重循良教忠勵資敬之忱聿隆褒獎
爾李瀚乃山西蒲州府榮河縣知縣李維榛之父稊躬淳厚
垂訓端嚴業可開先式穀迺宣猷之本澤堪啟後貽謀裕作

牧之方茲以覃恩封爾爲文林郎山西蒲州府榮河縣知縣
錫之勅命於戲克承清白之風嘉茲報政用慰顯揚之志畀
以殊榮

制曰朝廷重民社之司功推循良臣子凜冰淵之操教本慈幃
爾山西蒲州府榮河縣知縣李維榛之母劉氏淑慎其儀柔
嘉維則宜訓詞於朝夕不忘育子之勤集慶澤於門閭式被
自天之寵茲以覃恩贈爾爲孺人於戲仰酬顧復之恩勉思
撫字載煥絲綸之色永賁幽潛

制曰闡儀濟美旣並播其芳聲策命揚休宜均霑乎渥澤爾山
西蒲州府榮河縣知縣李維榛之繼母錢氏毓英名閎儷德
高門琴瑟調在御之和令模夙著機杼媿中閨之美慈訓攸

昭茲以覃恩封爾爲孺人於戲情深鞠育恩不間於所生典重顯揚榮豈殊於自出

雍正十三年九月初三日

劉克勤

致中祖父

制曰考績報循良之最用獎臣勞推恩溯積累之遺載揚祖澤爾劉克勤乃直隸保定府定興縣知縣劉致中之祖父錫光有慶樹德務滋嗣清白之芳聲澤畱再世衍弓裘之令緒祐篤一堂茲以覃恩馳贈爾爲文林郎直隸保定府定興縣知縣錫之勅命於戲聿修念祖膺茂典而益勵新猷有穀貽孫發幽光而不彰潛德

制曰冊府酌庸聿著人臣之懋績德門輯慶式昭大母之芳徽

爾陳氏乃直隸保定府定興縣知縣劉致中之祖母箴誠揚芬珩璜表德職勤內助宜家久著其賢聲澤裕後昆錫類式承乎嘉命茲以覃恩賜贈爾爲孺人於戲播徽音於彤管壺範彌光膺異數於紫泥天庥永劭

乾隆二十六年十一月二十日

劉 珩

致中父

制曰求治在親民之吏端重循良教忠勵資敬之忱聿隆褒獎爾劉珩乃前任直隸保定府知府今陞大名道劉致中之父禔躬淳厚垂訓端嚴業可開先式穀乃宣猷之本澤堪啟後詒謀裕作牧之方茲以覃恩贈爾爲朝議大夫前任直隸保定府知府今陞大名道錫之誥命於戲克承清白之風嘉茲

報政用慰顯揚之志昭乃遺謨

制曰錫類揚庥恩不殊於中外循陔追慕情無間於後先爾賈氏密氏乃前任直隸保定府知府今陞大名道劉致中之前母家風肅穆內則嫺明瑀珮猶存睠芳型之未遠栢棧如故欣慶典之方膺茲以覃恩贈爾爲恭人於戲圖史有聞欲報寸心於宿草爨章丕煥用宏厚澤於新綸

制曰朝廷重民社之司功推循吏臣子凜冰淵之操教本慈幃爾王氏乃前任直隸保定府知府今陞大名道劉致中之母淑慎其儀柔嘉維則宣訓詞於朝夕不忘育子之勤集慶澤於門閭式被自天之寵茲以覃恩贈爾爲恭人於戲仰酬顧

復之恩勉思撫字載煥絲綸之色永賁幽潛

乾隆四十二年五月初二日

劉 瑤

制曰夙夜宣勞事君資於事父雲霄布澤教孝實以教忠特賁
絲綸用光閎闕爾劉瑤乃直隸大名兵備道劉致中之父操
修淳篤矩範嚴明術在詩書克啓趨庭之訓業恢堂構實開
作室之模茲以覃恩贈爾爲中憲大夫直隸大名兵備道錫
之誥命於戲錫天府之徽章殊榮下逮際人倫之盛美茂典
欽承祗服誥詞永光譽問

制曰王臣分猷於外加恩必逮庭闈人子讓善於親褒德無殊
先後爰頒朝獎用表母儀爾賈氏宓氏乃直隸大名兵備道
劉致中之前母毓質清門作嬪右族溫恭成性早聞綦縞之

風慈淑爲心猶見栝棧之澤茲以覃恩贈爾爲恭人於戲慰
顯揚之夙志寵賁雲霄甄報稱之成勞光流泉壤祇承休命
益闡芳型

制曰家聲昌大夙彰式穀之休壺教賢明不替樹蔭之慕適逢
上慶用錫殊榮爾王氏乃直隸大名兵備道劉致中之母敦
習禮規恪循箴訓寢門治業著恒德於貞心閨塾授經寓慈
愛於雅範茲以覃恩贈爾爲恭人於戲恩能育子挺杞梓之
良材善必稱親被笄珈之茂寵祇承嘉獎水播徽音

乾隆四十五年正月初一日

劉致中

制曰治佐旬宣聿奏保釐之績職司法紀用嘉幹濟之才爾直

隸大名兵備道劉致中敷歷著聲繁劇就理握虎節而塞帷
車隨甘雨綰麟符而叱馭路指福星適逢慶典之頒用錫寵
章之賁茲以覃恩特授爾爲中憲大夫錫之誥命於戲克荷
金湯之寄載宣鎖鑰之猷拜此新綸勉乃茂績

制曰奉職恪共懋舉勞臣之績同心黽勉載嘉德配之賢壺範
攸昭國恩斯沛爾直隸大名兵備道劉致中之妻鄭氏毓自
名家嬪於望族采藻蘋於碧澗允襄修祀之誠詠絃絃於素
絲克勵自公之操茲以覃恩贈爾爲恭人於戲被寵光於象
服懿問交流錫榮獎於鸞章惠風益暢祇承顯命永播休聲

劉壯

制曰官有司城畀警巡之專職國方行慶逮副貳以新綸爾南

城兵馬司正指揮加一級劉壯勤於贊政敬以效能緝暴詰
姦克分勞於輦下程功考績因錫命於朝端茲以覃恩授爾
爲奉直大夫錫之誥命於戲布澤維均示大庭之一體承恩
彌惕昭庶職之小心

制曰勤宣聲績聿徵服采之才茂著規型式獎同心之媿爾南
城兵馬司正指揮加一級劉壯之妻楊氏夙諳內則作配名
門訓典嫺明允協琦璜之度禮儀純備克彰蘋藻之風茲以
覃恩封爾爲宜人於戲荷天寵以流芳魚軒煥采被國恩而
永譽象服增榮

乾隆五十五年正月初一日

劉撫邦 壯膽伯

潤曰謹篤靖共入官必資於敬功歸誨迪能仕而教之忠爰沛國恩用揚家訓爾劉撫拜乃原任順天府糧馬通判加一級劉壯之胞伯父躬修士行代啓儒風抱璞自珍克毓珪璋之秀儲材足用聿彰杞梓之良茲以覃恩馳贈爾爲奉直大夫順天府糧馬通判加一級錫之誥命於戲貽令聞於經籙義方並著佩徽章於策府禮秩加優茂典丕承榮名益劭

制曰家有孝慈之範美以相繼而彰國崇褒錫之文恩以並推而厚爾楊氏乃原任順天府糧馬通判加一級劉壯之胞伯母德可相夫教能啓後一堂環珮和音克著其慈祥五夜機絲內治聿昭其柔順茲以覃恩馳贈爾爲宜人於戲溥一體之榮施鸞章賁采表同心於訓迪象服分光

嘉慶元年正月初一日

張端栩

制曰考績報循良之最用獎臣勞推恩溯積累之遺載揚祖澤
爾原任湖南善化縣知縣張端栩乃湖南澧州直隸州知州
張範之祖父錫光有慶樹德務滋嗣清白之芳聲澤畱再世
衍弓裘之令緒祐篤一堂茲以覃恩貤贈爾爲奉政大夫湖
南澧州直隸州知州錫之誥命於戲聿修念祖膺茂典而益
勵新猷有穀詒孫發幽光而不彰潛德

制曰冊府酬庸聿著人臣之懋績德門輯慶式昭大母之芳徽
爾朱氏乃湖南澧州直隸州知州張範之祖母箴戒揚芬珩
璜表德職勤內助宜家久著其賢聲澤裕後昆錫類式承乎

嘉命茲以覃恩賜贈爾爲太宜人於戲播徽音於彤管壹範
彌光膺異數於紫泥天庥永劭

嘉慶元年 月 日

張淑

制曰求治在親民之吏端重循良教忠勵資敬之忱聿隆褒美
爾原任湖南芷江縣知縣張淑乃湖南澧州直隸州知州張
範之父居官慈惠垂訓端嚴業可開先式穀乃宜猷之本澤
堪啟後詒謀實作牧之方茲以覃恩贈爾爲奉政大夫湖南
澧州直隸州知州錫之誥命於戲克承清白之風嘉茲報政
用慰顯揚之志昭乃遺謨

制曰闡儀著美旣丕播其芳聲策命揚麻宜均霑乎渥澤爾文

氏乃湖南澧州直隸州知州張範之前母毓英名閎儷德高門琴瑟調在御之和令模夙著機杼媿中閭之美慈訓攸昭茲以覃恩贈爾爲太宜人於戲情深報本恩實等於所生典重顯親榮豈殊於自出

制曰朝廷重民社之司功推循良臣子凜冰淵之操教本慈幃爾章氏乃湖南澧州直隸州知州張範之母淑慎其儀柔嘉維則宣訓詞於朝夕不忘育子之勤集慶澤於門閭式被自天之寵茲以覃恩贈爾爲太宜人於戲仰酬顧復之恩勉思撫字載煥絲綸之色永賁幽潛

嘉慶元年 月 日

李生彩

綱曰考績報循良之最用獎臣勞推恩溯積累之遺載揚祖澤
爾李生彩乃廣東潮州府南灣海防同知李青雲之祖父錫
光有慶樹德務滋嗣清白之芳聲澤畱再世衍弓裘之令緒
祐篤一堂茲以覃恩賜贈爾爲奉直大夫廣東潮州府南灣
海防同知錫之誥命於戲聿修念祖膺茂典而益勵新猷有
穀貽孫發幽光而不彰潛德

制曰冊府酌庸聿著人臣之懋績德門輯慶式昭大母之芳徽
爾董氏乃廣東潮州府南灣海防同知李青雲之祖母箴誠
揚芬珩璜表德職勤內助宜家久著其賢聲澤裕後昆錫類
式承乎嘉命茲以覃恩賜贈爾爲宜人於戲播徽音於彤管
靈範彌光膺異數於紫泥天庥允劭

嘉慶十四年正月初一日

李 潼

制曰求治在親民之吏端重循良教忠勵資敬之忱聿隆褒獎
爾李潼乃廣東潮州府南灣海防同知李青雲之父稔躬淳
厚垂訓端嚴業可開先式穀乃宣猷之本澤堪啟後貽謀裕
作牧之方茲以覃恩贈爾爲奉政大夫廣東潮州府南灣海
防同知錫之誥命於戲克承清白之風嘉茲報政用慰顯揚
之志昭乃遺謨

制曰朝廷重民社之司功推循吏臣子凜冰淵之操教本慈幃
爾劉氏乃廣東潮州府南灣海防同知李青雲之母淑慎其
儀柔嘉維則宣訓詞於朝夕不忘育子之勤集慶澤於門閭

式被自天之寵茲以覃恩贈爾爲宜人於戲仰酌醜復之恩
勲思撫字載煥絲綸之色允賁幽潛

李青雲

制曰分符百里必遴出宰之材報最三年爰重懋官之典爾雲
南臨安府署莪縣知縣李青雲雅擅才能克宣慈惠撫綏有
要常深疾痛在己之心懷保無窮不忘顧復斯民之責茲以
覃恩授爾爲文林郎錫之勅命於戲前勞已茂用褒製錦之
能來軫方道益勵飲水之操

制曰良臣宣力於外効厥勤勞賢媛襄職於中膺茲寵錫爾雲南
臨安府署莪縣知縣李青雲之妻金氏終溫且惠旣靜而專
綦縞從夫克贊素絲之節蘋蘩主饋爰流彤管之輝茲以覃

恩封爾爲孺人於戲敬爾有官著肅雍而並美職思其內迪
黽勉以同心

嘉慶四年九月二十日

鄒宜人 劉恒毓生母

制曰奏績在公已慰勤劬之念推恩及下寧遺鞠育之勞爾鄒
氏乃廣西思恩府同知劉恒毓之生母持躬以慎助筮能賢
無忝所生常念屬毛而離裏則篤其慶俾能盡分以達情茲
以覃恩封爾爲太宜人錫之誥命於戲特申母以子貴之文
用昭善則歸親之義頒茲休命勵乃芳規

嘉慶十四年正月初一日

劉恒毓

制曰宣猷佐治端資貳守之良課吏安民並紀協恭之績爾廣
西思恩府同知劉恒毓裊躬恪慎蒞事精勤分雙旌五馬之
榮襄六典九條之治詰奸宄而克靖礪廉隅以自持慶典欣
逢褒章宜煥茲以覃恩授爾爲奉政大夫錫之誥命於戲撫
循是職贊良牧以宣猷綸綍式頒新沐恩而勵節

制曰良臣宣力於外効厥勤勞賢媛襄職於中膺茲寵錫爾廣
西思恩府同知劉恒毓之妻湯氏終溫且惠旣靜而專恭縞
從夫克贊素絲之節蘋蘩主饋爰流彤管之輝茲以覃恩封
爾爲宜人於戲敬爾有官著肅雍而並美職思其內尙黽勉
以同心

嘉慶十四年正月初一日

尉氏縣志卷一

星野志

舊志


易曰天垂象見吉凶書曰在璿璣玉衡以齊七政星土之辨見於周官保章氏者有自來矣聚井而邾家興聚奎而文明兆此天之顯示乎人也言善而熒火退名唱而喬雲見此人之徵著於天也天道人事休咎響應振古如斯作星野考節

增歷代郡邑分隸各殊一邑之地恆不當一宿之一度而分星之說又有虞喜何承天劉焯依唐一行禪師歲差之異不詳稽地之沿革分併泥古以論今未有能合者依其方位驗其度數參之隣境庶幾古今之際可以得其通矣


分野全圖




星之圖



角亢鄭分之圖










日。



鍵閉。



鈎鈐



舊志史記天官書以氐房心爲豫州分星

內臺秘典云尉土下屬宛鄭之分上屬角亢之墟

增

周禮居草氏掌封域分星故論者以二十八宿分屬九州而斗之七星亦各有所屬史記天官書北斗七星所謂璇璣玉衡以齊七政杓携龍角衡殷南斗魁枕參首用昏建者杓杓自華以西南夜半建者衡衡殷中州河濟之間平旦建者魁魁海岱以東北也

長歷北斗七星星間相去九千里其二陰星不見者八千里

春秋運斗樞斗第一星樞第二璇三璣四權五衡六開七七搖一至四爲魁五至七爲標合而爲魁

春秋緯文耀鉤三河雷澤東至海岱以北兗州青州屬璣星

鄭古高辛氏祝融之墟禹貢兗豫二州之域尉屬鄭地隸豫州唐大行歷得四海中承秦階之政者軒轅也故爲有熊之墟三古分係九州當屬中台

五星土爲填星位於嵩邱爲中州之域尉西距嵩高在五百里之內五星之分野當屬填星

唐大衍歷鶉火大火壽星豕章爲中州其神主於嵩邱填星位焉

甘氏鎮星主嵩高山

石氏鎮星一名地侯

身日顯元 卷一
天干分配五方戊己爲中央當中州河濟之間考十干之
分野尉當屬戊己

史記戊己中州河濟也

漢書戊魏己韓

地支分配當在辰卯之間

角亢爲壽星宮屬天蝎辰在辰

氐房心爲大火宮屬天枰辰在卯

史記天官書角亢氐兗州房心豫州

漢書角亢氐沅州房心豫州宋鄭之間候歲星占房心

唐天文志角亢壽星也初軫十度餘八十七秒十四少中

角八度終氐一度自原武管城濱河濟之南東至封邱陳

畱盡陳蔡汝南之地邇淮源至於弋陽西涉南郡至於桐
柏又東北抵於嵩之東陽中國絡在南北河之間故申許
諸國皆豫州宜屬鶉火氏涉壽星當洛邑衆山之東次南
直潁水之間舊太昊之墟爲亢分又南涉淮連鶉尾爲成
周之東陽爲角分

角宿之屬爲進賢爲平道爲天門爲平星爲天田爲周鼎
爲庫樓爲南門爲衡爲柱亢宿之屬爲折威爲大角爲左
右攝提爲陽門爲頓頑

氏房心大火也初氏二度餘千四百里一十九杪五太中
房二度終尾六度自雍邱而東循汾陰界于齊魯乃東南
接太昊之墟西接陳鄭氏宿之屬爲天乳爲昭搖爲梗河

爲帝席爲天輻爲陣車爲騎官爲車騎爲騎陣將軍

房宿之屬爲鈎鈐爲鍵閉爲罰爲東咸爲日爲從官心宿之屬爲積卒

晉書天文志班固取三統歷十二次配十二野自氐五度至尾九度爲大火宋之分野於辰在卯

又唐天文志汴陳壽星之分也明史河南之開封角亢分野

野
按尉屬鄭地西去鄭之故墟百有餘里左傳龍朱鄭之星也角亢氐蒼龍之屬也尉在豫州之域密于鄭而遠於宋稽其分野之宿應屬角故備列五宿之圖以便觀覽

祥異附

周襄王二十有七年春無冰鄭飢

景王二十有二年五月壬午鄭災

漢武帝元光四年四月隕霜殺草木

元鼎二年二月大雪平地深五尺

平帝本始四年四月地震

東漢桓帝建和三年九月己卯地震庚寅地又震

元嘉元年十一月辛巳地震

二年正月丙辰地震

靈帝光和元年彗星出亢北入天市垣長至五六尺赤色
蔡邕母卒廬於塚側有兔馴擾於塚側又木生連理塚在

縣南四十五里

獻帝建安四年六月寒風如冬

晉武帝咸寧二年八月庚辰地震

泰康九年二月壬辰地震

惠帝元康四年十一月地震

永康元年三月雨血

永興元年七月庚申太白犯角亢經房心入南斗十月風

雹折木

北齊文宣帝天保八年大蝗

隋文帝開皇十四年十一月癸未有星孛於角亢

唐太宗貞觀十一年七月黃氣際天大雨

高宗永徽六年大水傷稼

中宗嗣聖十年五月大水

元宗開元三年蝗

興元元年春熒惑守歲星在角亢

德宗貞元元年春饑

文宗開成二年秋蝗

周太祖廣順二年旬日無鳥

宋太祖乾德二年蝗

太祖淳化二年春大旱蝗冬無冰

五月雨水害稼

真宗大中祥符元年六月惠民河決

二年春夏大旱冬無冰

三年六月蝗蝻生冬雷

四年六月生蝗

仁宗天聖二年大旱傷稼

景祐元年六月蝗

寶元二年十一月地震

慶歷四年大旱蝗

至和八年十一月丙午大風霾

英宗治平四年八月地震

神宗熙寧元年七月至十一月地震者六

七年四月大飢

九年麥雙歧

哲宗紹聖四年七月地震

徽宗崇寧五年正月彗星出於西方長竟天

欽宗靖康元年十一月庚申日出如血無光

金宣宗興定二年四月蝗

哀宗正大四年六月地震

元世祖至元三年河水泛溢

十九年五月蝗食禾稼草木俱盡所至蔽日礙人馬不能
行填坑塹皆盈飢民捕蝗爲食或暴乾積之又罄人相食
仁宗延祐元年三月隕霜殺禾苗地震

七年大飢

英宗致和二年二月大飢

順宗至正三年二月地震自四月至七月大水

十七年大飢

明太祖洪武五年六月蝗

十七年大水

二十二年大旱

成祖永樂二年八月神后山產騶虞見於尉氏縣南

今名其地

曰玉豸坡九月周府以之貢於京師

宣宗宣德三年河溢鄭州漫流及尉爲災

憲宗成化二十年大飢人相食

孝宗宏治七年豐稔斗麥十錢

十一年大有年斗粟十錢

十八年趙惠母卒廬墓三年區廬所倚榴木皆生新枝

武宗正德六年正月十六日雨土

七年三月二十八日劉七賊衆圍攻縣城一晝夜不得入
乃掠於野而去

十一年春大飢

十四年春夏連雨月餘麥禾俱損

世宗嘉靖元年元日地大震

三年正月初一日地震次日又震是日薰樓鐘自鳴

四年八月地震

六年十二月除日大雷電

七年正月地震水旱相仍民飢

八年春大飢六月蝗飛蔽天

九年夏蝗入秋復生蝻

十年蝗傷稼殆盡六月十三日大雨訛傳地欲陷市民驚奔

十一年大蝗知縣游鳳儀以粟召民捕之升斗相易不數日積滿諸倉

十四年四月雨雪九月晦天鼓鳴

十五年正月初四日扶溝賊高寵寇尉氏大掠而去三月初三日戌時地震大飢大疫

十六年三月十三日縣中當午忽暗如夜一瞬復明

九月黃河水溢城外郊野不浸者僅五六里大無麥禾
十七年春大飢疫癘大作

十八年春大飢秋蝗九月地震

二十七年五月大水滄沒禾稼殆盡

三十年五月大風拔木十一月地震

三十一年三月天鼓鳴

三十二年春大飢

三十四年十一月地震

三十五年正月地震

三十六年正月地震

穆宗隆慶四年秋大有年

神宗萬歷四年秋大水

六年彗星見於鄭野其長竟天

十五年三月地震大飢大疫

十六年春大飢大疫四月寒甚多風霾冬煥

十八年三月大風霾晝晦如夜六月天鼓鳴

十九年七月二十七日未時天鼓鳴

二十二年二月地震荒旱大飢

二十七年三月旱秋大旱無禾冬大飢

三十二年大飢

三十三年大有年

三十八年三月地震

四十年三月蝗

四十二年蝗蝻食禾稼民大飢王無言輸豆千石助賑

四十三年蚩尤旗見於東南

四十四年六月彗星見起東北直射天中

熹宗天啟二年二月地震

莊烈帝崇禎三年夏大水雨雹傷禾稼

四年五月流星如斗

五年正月朔雷二月大風晝晦六月二十二日暴雨徹夜

黃河泛溢平地水深二丈岡阜滄沒其中有聲如銅鼓不

絕傳曰龍鳴

七年正月朔雷電二月夜赤風竟夕牕外如燈火六月十

四日蝗自東南來落地尺餘住十餘日五穀食毀大半

十年六月流星大如孟光芒竟天隕於敗臼之下赤燄數

刻方滅

十一年三月初二日風沙晝晦屋宇皆赤四日乃止

十三年閏正月朔日食暴風揚沙色赤如火二月日光如
血者數日四月蝗食禾既七月大旱蝗禾草俱枯八月隕
霜殺菽大飢斗粟銀二兩人相食盜賊蜂起

十四年正月二十七日夜流星起角亢入房心三月癘疫
大作伏屍相枕六月旱八月大飢十二月十九日鬪賊破
縣城殺擄焚燬殆盡

十五年理問孫接武方修城復爲賊折毀

十七年正月元日日出無光二月十一日三日並見雨土
如霰晝晦

國朝世祖順治四年二月大風雨雹七月大水

五年四月冰雹傷麥六月霑雨壞秋

十一年五月霑雨八月地震

十三年三月初五日黑風自西北至晝晦如夜

康熙元年六月開封黃練口河決被災八月大雨傷稼

三年大旱蝗爲災彗星見東南

六年大有年

七年妖彗見於西方墜地有聲六月十七日戌時地大震

九年春夏大旱十一月大寒并冰

十七年三月十四日地震七月大水歲飢

十八年大旱七月地震

十九年大有年十一月彗星見於西方

二十二年春多霑雨有餘食麥歉收十月初五日地震歲
大飢

二十三年二月大風飄黃沙蔽日晝晦旱

二十四年正月朔縣城東門隍蓬池結冰樹二十四株或
如梅或如松枝幹俱全如繪畫然夏霑雨兼旬秋禾湮沒
瘧痢瘟疫互行

二十七年四月朔日食

二十八年春旱麥枯

二十九年春旱風霾蔽日麥枯秋有蟲食禾苗八月隕霜
害稼

三十年正月日食黃風竟日七月飛蝗蔽天繼生蝻成蝗
食禾殆盡

三十一年正月二十三日午後黑風如烟晝晦七月二十
六日半更時天鼓鳴

三十二年二月壬辰大風夜作黎明天赤如血雨土竟日
六月十七日有星隕於西方有聲若雷火光四起冬煥無
雪

三十三年夏蝗遣官諭所在吏民捕蝗殆盡

三十四年四月初六日戌時地震

三十九年大有年

四十一年正月二十七日大風霾晝晦

四十八年四月霑雨麥盡渰沒次年穀價騰湧

五十七年縣民田瘠妻許氏一產三男給米布

六十年旱糧停徵

六十一年旱糧停徵

雍正元年黃河溢禾盡渰

二年二月庚午朔日月合璧五星連珠會於姬訾是年縣

民張相宸妻李氏一百二歲給坊

三年大有年

四年大有年

五年大有年

六年大有年

七年大有年

乾隆四年六月大雨四十餘日秋禾滄沒

五年麥豐收秋蝗

八年秋禾滄沒歲飢

二十二年六月至七月霖雨傷稼民大飢

二十六年河決陽梅巖堦禾盡滄沒學憲秦百里奏

聞旋蒙賑濟至十二月水患乃平次年春種麥比收倍常

二十八年五月朔日食

三十七年正月朔日食三月黑風晝晦如夜

四十年四月霖雨七晝夜平地水深五六尺

四十三年春多暴風二麥黃枯

四十七年四月地震

五十年春大旱無麥

五十一年春大飢斗麥千三百錢

六十年正月朔日食

嘉慶四年夏雨傷稼

六年十二月二十六日地震

十八年旱無麥禾歲大飢

十九年春大飢夏瘟疫流行

二十二年三月地震四月朔日食十月朔日又食十二月

二十六日白虹貫日如環者三

二十四年正月朔白氣圓週天中日未時與日停對有光者二三月二十七日黃風蔽日八月初二日黃河水溢稼盡渰